

КИРОВЕЦ

ВКП(б)-лэн Тыловой Райкомезлэн но Райисполком-лэн органзы

15 октябре 1938 ар | № 81 | 4-тй арзэ потэ

Тыловайской но Бородулинской МТС-ёсын кутсась-конлэн мынэмез сярысь

Удмуртской АССР-лэн Народной Комиссар'ёсызлэн Советсылэн 3 октябре 1938 арын постановлениез

Совнарком пус'е, что Бородулинской МТС (директорез Салтыков) но тужгес ик Тыловайской МТС (директорез Муханов), кутсась-конзэс 1 октябрь азелы быдэстыны понна вань усло-виос луыса но, та ужез куашкайзы. Кутсаськон машинаосын ужан ас эркаслэзымын. Тракторен кутсась-кон машинаос суткалы быдэ 6-7 час сяна уг ужало. Колхоз'ёсын 268 конной молотилкаос пöлысь ужало 44-ез гинэ. Та возматэм МТС-ёслэн директор'ёссы, тужгес ик Тыловайской МТС-лэн директорез, кутсась-конзэс жог быдтон понна по-большевицки нюр'яськон интые, куд-ог колхоз'ёслэн кивалтисьёссылэн кутсаськонзэс толалтэ азелы кельтон сярысь отсталой настроенизылы но кутсась-конзэс жог быдтонлы пумит саботажлы („Буденовец“ колхоз) попустительствовать каризы. Соин тйни кутсась-конзэс жог быдэстон ужын асьсэос антигосударственной практикаез проводить каризы.

Со сяна, та МТС-ёслэн директор'ёссы, тужгес ик Тыловайской МТС-лэн директорез Муханов, Наркомземлэсь кутсаськон уже комбайн'ёсты кутон сярысь но ю тысез МТС-лэн машинаосыныз ворттон сярысь указанизэ явно игнорировать каризы, проявить каризы недисциплинированность но разгильдяйство.

Народной Комиссар'ёслэн Советсы постановить каре:

1. Колхоз'ёсын юосты кутсанэс организовать каронын антигосударственной практика понна, недисциплинированность понна но Наркомземлэсь но Совнаркомлэсь кутсаськонэ вань кутсаськон машинаосты кутон сярысь, кутсаськонэ комбайн'ёсты переключить карон но ю тысь ворттонэс организовать карон сярысь указаниоссэ игнорировать каремез понна Тыловайской МТС-лэсь директорзэ Мухановез ужысьтыз куштоно.

Бородулинской МТС-лэн директорезлы Салтыков эшлы строгый выговор ялоно но сое предупредить кароно, что если со азыланьын но сыче ик практика лэсьтйз на ке но Наркомземлэн но Совнаркомлэн указаниоссылы сыче ик отношение допускать кариз

на ке, ответственность улэ кыскемын луоз. 2. Тыловайской но Бородулинской МТС-ёслы предложить кароно вань кутсаськон машинаосты, озы ик комбайн'ёсты кутсась-конын полной нагрузкаен использовать карыны но вань колхоз'ёсын кутсась-конзэс жог быдэстыны. МТС-лэн машинаосыныз колхоз'ёсысь хлебопоставкае ю тысь нуллон'я план'ёсты быдэстоно.

3. Кын улэ гыронлэсь лэзэнтэм каллен мынэмэс пус'йыса (одйг октябрь азелы ваньмыз 25 процент гинэ гыремын), Тыловайской райзолы но МТС-лы предложить кароно 10 октябрь азелы кын улэ гырон планэз быдэстонэс обеспечить карыны, тракторной паркез но вал'ёсты кын улэ гыронэ бжытэ вераса 50 процентсэ пуктыса.

4. МТС-ёсысь но колхоз'ёсысь трактор'ёсты но сельскохозяйственной машинаосты тупат'ян борды дырыз дыр'я кутсонлы но азинлыко ортчтонлы иключительной значение придавать карыса, райисполком'ёсты обяжать кароно туэ, 10 октябрьлэсь бере кылытэк, обсудить карыны райзоослэсь но МТС-ёслэсь трактор'ёсты, сельхозмашинаосты ремонтировать карон но соосты толалтэ возён сярысь планзэс.

5. Совнарком предлагать каре вань райисполком'ёслы, райзоослы но МТС-ёслы 10 октябрьлэсь бере кылытэк та решениез обсудить карыны райисполком'ёслэн президиум'ёсазы но райзоосысь но МТС-ёсысь ужасьёслэн обшлой собраниосазы, соин, чтобы земельной орган'ёсысь, МТС-ёсысь быдэс аппарат кутсаськонзэс жог быдэстонэ, нянь сётон но кын улэ гырон планэз быдэстонэ, быдэс сельскохозяйственной арез азинлыко йылпум'янэ но 1939 арлэн тулыс ю кизёнэзлы образцово дасяськонэ мобилизовать каремын мед луоз.

Удмуртской АССР-лэн Совнаркомезлэн председателезлэн заместителез — АРДАШЕВ.

Удмуртской АССР-лэн Совнаркомезлэн управделэз интые — СИТНИКОВ.

Финплан тыроннын первой инты басьтом

„Котькудйзы тодмо,— шуэ Печенкин эш,— что финплан тыроннын В. Четкер сельсовет первой инты басьтыса улыз. III-тй кварталэн финпланэз вань показатель'ёс'я вань сельсовет'ёслэсь азыло быдэстйм. Та совещаниын мон кыл сётйсько, что финплан тыронэз вань показатель'ёс'я Октябрьской революцилэн XXI годовщинаез азелы полностью тырмытом“.

Печенкин эшлэсь выступленизэ В. Четкер сельсоветысь налоговой агент Баженов эш подддержат кариз но вераз, что финплан тыроннын В. Четкер сельсовет озы ик первой инты занимать кароз.

Соревнованиез Трефилов вунэтиз

„Сельхозтруд“ колхоз, солэн председателез Трефилов, Октябрьской революцилэсь годовщинаез образцово пумитаны вань сельскохозяйственной у жез дыраз быдэстом шуыса обязательство басьтйзы но „М. Ита“, „Л. Поляна“ колхоз'ёсты соревнование ётйз.

Кызы колхозлэн председателез Трефилов возглавлять каре соревнованиез? Жотак верано, что Трефилов колхозник'ёслэсь вызовзэс вунэтиз. Со ужез по-большевицки организовать карон интые Трефилов со ужлэсь палдурске. Вань ужзэ куштйз счетовод Иванов вылэ но бригадир'ёс вылэ. Нош ачиз урод настроениен—лесной организации стороже мыноно шуыса—улэ. Соин ик Трефиловлэн урод настроениосыз куд-ог бригадир'ёс вылэ повлиять каризы. 3-тй бригадасы бригадир Трефилов Илья калыксэ ужаны уг ыс'я, наряд уг сёты, дырзэ пьянствовать карыса ортчытэ. 22 сентябре бригадирлэн юыса улэменыз колхозник'ёслы уж бз вера, кутсаськыны лумбыт бз поталэ.

Озы тйни колхоз председателы возыт тазы колхозник'ёслэсь вызовзэс вунэтыны. Колхозник'ёс соревноваться карысько, нош Трефиловлы соин кивалтоно, возглавлять кароно.

Осотов.

Октябрьлэн годовщинаез азелы финпланэз тырмытом

10-тй октяб্রে райфинотделын финактивлэн совещаниез ортчиз. Та совещаниын тросэз выступат каризы, асьсэ опытанызы обменять карыськизы. Выступат карысьсёс огомлыкдым веразы, что Октябрьской социалистической революцилэн XXI годовщинаез азелы финплан тыронэз вань показатель'ёс'я полностью тырмытом.

Зюзинской, Итинской, Кельдышевской сельсовет'ес соревнование вызвать каро

Октябрьской революцилэсь XXI годовщинаез финпланэз полностью тырмытыса пумитан понна Зюзинской, Итинской, Кельдышевской сельсоветысь совещаниын участник'ёс вылазы конкретной обязательство басьтйзы. Соос веразы, что район финплан тыронэн бере кылыз. Та бере кылэнэз быдтон понна одно ик сюлмысь ужаны кутсконо. Соин ик ми выламы обязательство басьтйськом Октябрьской годовщинаез финпланэз полностью тырмытыса пумиталом.

Зюзинской сельсоветысь совещаниын участник'ёс Бородулинской сельсоветэз соревнование вызвать каризы. Итинской сельсовет Оханской сельсоветэз, Кельдышевской сельсовет Зюзинской сельсоветэз соревнование вызвать каризы.

Финансовой ужез бере кельтыны уг луы

Совещание осудить кариз финансовой уж бордын ужасьёслэсь урод ужамзэс. Ведь та'е факт'ёс: Сберкасса туннэ нуналозь вкладчик'ёсты мобилизовать карыны бз быгаты на. Соин ик вклад 0,17 процент гинэ тырмытэмын. Озы ик отдельной налоговой агент'ёс ужзэс умой-умой перестроить карыны бз быгатэ. Соин серен ик коньдон тырон тырмытмтэ. 1937 арлы самообложение 9000 манет тырмтэ. Тужгес ик единоличной хозяйствоос талы чидантэм относиться карысько, соос налоговой агент'ёслэсь пегаса уло. Тани Урдумошур гуртысь Чирков Иван Сергеевичез ноку шедьтыны уг луы, коньдонзэ солэн тырмтэ.

Торгушой организациос, Шулаковлэн кивалтэмез'я, весь товарооборотэз тйяло. Соин ик толэзсысь толэзы, кварталысь кварталэ ноку но планзэс уг тырмытыло. Совещание вераз, что финансовой уж бордын тазы ужаны уг луы. План соку тырмоз, куке асьсэос финансовой уж бордын ужасьёс сюлмысь ужаны кутскозы. Соин валче ик ванез партийной, советской организациос тани делово кивалтыны кутскозы.

Ленинско-Сталинской комсомоллэн XX ар тырмон азяз



Днепростройсысь бетонщик'ёслэн комсомольской бригадазы.

1 нунал кутсасько 3 нунал тупат'яло

Бородулинской МТС Кельдышевской сельсоветэ кутсаськыны шуыса комбайн переборосить кариз. Кызы бен кутсаськон мынэ? Тани кыны мынэ: одйг нунал кутсасько но 3—4 нунал комбайн тупат'яло, то трактор тупат'яса уло.

Трактор тйяськиз но механикез тупатыны ётйзы. Механик бз лыкты. Озы кутсаськем интые кутсаськон сараез гинэ занять карыса уло. МТС-лэн дирекциез ужасьёссысь ляб эскере.

КОЛХОЗНИК.

Государстволы етин мертчан были качествен сетом

Звеноводка Андреева Елена Васильевна

—Им. Ленина колхозысь етин бордын ужась звено туэ аре етинлэсь бадзым урожайэ басыны быгатиз. Мынам вераме потэ кызы ми выйлыко урожай басыны быгатим. Звеноын 12 мурт ляд'яське. Колхоз правление милем 8 га етин кизыны инты вис'яз. Ужамы ми вань мылкыд-мес поныса. Милям ужамы токма гинэ оз луы. Тани сое со возьматэ: етин кидыс гектарысь басыны 4,2 центнер, куроез гектарысь 4000 культо. Етин кузь, чебер.

Ми етинлэсь почвазэ азыло удобрить каримы. 24-ти апреле 6 центнер пень вносить каримы, 28 апреле 18 центнер калийной соль, 30 апреле 43 центнер фосфоритной пызь, 7 мае аммиачной селитра 650 кг.

9-ти мае етинэз кизимы, 15 мае сое мульчировать каримы, 17 мае кизем етин котырысь вань жуг-жагез сузямы. 6-ти июне нырысетий прополка ортчытымы, кыктэтэзэ прополка 15 июне ортчытымы. Етин чебер огкадь потиз. Милесытым мылкыдмес эшшо но жутиз. Райзоны старшой агроном Ившин эш лыктиз но милем етинлы подкормка лэсьтоно шуыса вераз. Ми солэсь верамзэ санэ понимы: 18-ти июне нырысетизэ аммиачной селитраен подкормка вносить ка-

рими. 30-ти июне 1 га вылэ 1 центнер калийной солен кыктэтэзэ подкормка ортчытымы. Со бере етинмы эшшо но вож-вож куар'эссэ вылань жутыса будыны кутскиз. Озы етинмы 70 сантиметрлэсь вакчез бвдл.

Со етинмес август толэзе октымы-калтымы, тышкамы, август толэзе ваньзэ вблдуса быдэстымы.

Сое верам потэ, что вблдэм етинмы вылэ пудо живот пыраз, етинэз тугазы. Сое колхоз правлени но адзиз но нокиче юрттэт бз сёты.

Али ми вблдэм етинмес жутыса быдэстымы. Сое переработать карыны кутскимы. Милям льнопунктмы умой оборудовать каремын, льномаялка отремонтировать каремын.

Етин уж бордын ванез звенолэн член'эсыз умой ужало. Соос тани: Максимова Соломонида, Хохрякова Татьяна, Андреева Наталья, Хохрякова Анисия, Хохрякова Картина, Андреева Ксения, Андреева Ирина, Андреева Евдокия, Андреева Надежда но Андреева Татьяна.

Милям мылкыдмы озы, чтобы етинэз кызы будэтыны быгатим, озы ик государстволы были качествен сдать карон. Октябрьской революцилэн годовщинаез азелы етин сдать каронэз полностью быдэстотмы.

Населенилэн Всесоюзной переписезлы образцово дасяськоно

СССР-ысь Совнаркомлэн постановлениез'я 1939 арлэн 17-ти январь нуналэ (на день 17 января) всесоюзной перепись ортчытыське. Перепись ортчытыське СССР-лэн быдэс территория вылаз. Переписен охватить каремын луозы ваньмыз советской граждан'эс, озы ик иностранной подданной'эс но.

Населенилэн переписез асьме социалистической родинамы туж бадзым государственной значение имегь каре. Всесоюзной переписьлэн цифраосыз возьматозы социалистической обществон улонэзлэсь полной картиназэ, со советской калыклэн улонэзлэн зеркалэныз луыны кулэ. Переписьлэн данной'эсыз зеркалын кадь ик возьматозы ваньзэ выльзэ, мае внести кариз социализм калыклэн, адямилэн улоназ.

Та уж успешно ортчытэмын луоз соку, куке шонер но тырмыт население пблын массовой валэктон пунктэмын луиз. Успешно ортчытэмын луоз соку, куке перепись ортчытыны умой кадр подобрать каремын но соосыз умой инструктировать каремын.

Населенилы перепись орчытыны дасяськон'я тае мероприятияс орчытэмын: Населенилэн интыез'я список составить каремын. Хозяйственной книгага кыкпол сплошной проверка орчы-

тэмын. Подобрать но райисполкомлэн президиумынэз утвердить каремын инструктор'эс-контролер'эс 11 мурт, счетчик'эс 36 мурт, населенилэн переписезлы 10 юртысь комиссия создать каремын.

Организационной уж лэсьтэмын, но однако, население ужаны, массово-раз'яснительной уж нуыны кутскылымтэ. Соин ик али та уже самой умой агитатор'эсыз кутано, куд'эсыз Верховной Совет'эсы быр'ён'эс дыр'я образец'эс возьматизы.

Ваньмыз партийной, советской, комсомольской но профсоюзной организациос населенилы раз'яснять кароно луо 1939 арын орчытоно переписьлэсь цельзэ, задачазэ но техниказэ. Переписьлэн результат'эсыз юрттозы вань Советской калыклэн благосостояниеизлы но культураезлы азыланьын эшшо но вылэ жутскыны. **КАРДАПОЛЬЦЕВ.**

С Е Л Ъ К О Р Г О Ж Т Э Т ' Я

5 октябре потэм 78 номеро „Кировец“ газетын „Вахрушев дышетись кюса нуналэ орчытэ“ шуыса гожтэмын вал. Татын гожтэмын: Вахрушев Беген-виль гуртэ куное мыныса дурьстэм кюса бертиз. Гуртаз бертыса аслэсьтыз валессэ сутыса Иванов Николай вылэ виноватсэ куштыны туртске. 19 ти сен-

„РОДИНА“ САМО- ЛЕТЛЭН ГЕРОИЧЕС- КОЙ ЭКИПАЖЕЗ КОМСОМОЛЬСК-НА- АМУРЕ МЫНОН СЮРЕС ВЫЛЫН

Гризодубова, Осипенко но Раскова эш'эс, Кербиын 20 час шутэтскем беразы, 8 октябре, „Дальневосточник“ катерын Комсомольск-на-Амуре кошкызы. Кербиысь население „Родина“ самолетлэсь героической экипажэз пбсь мылкыдын келяз.

Шоверак 11 часын (московской дырын), келясьбслэн восторженной куароссы улсын, „Дальневосточник“ катер берег дорысь кошкыз но туж жог Амгунь шуретий уллань лэзькиз.

Воздухлэсь кышкасьтэм героиняосэз II-ти ранго военврач Тихонов эш келя. Со сяна катерлэн бортаз парашутист старшой лейтенант Еремин эш но интысь организациослэн представител'эсы мыно.

(ТАСС)

Мартюшев ужез орга- низовать уг кары

Оханской сельсоветысь „Динамо“ колхозлэн октонкалтонэз али но ваньмыз быдтытэ на. Колхозлэн бригадирезлэн Мартюшев Федор Петровичлэн нуналмысь пьянствовать карыса улэменыз но бездействовать карыса улонназ туннэ нуналозь гречиха аранэз луд вылын 0,5 га аратэк улэ на, озы ик сельхозинвентарез тулыс ю кизён дырысен утялтытэ. Нош кын улэ гыронэз 2 га сяна гырымтэ. Мартюшевлэсь сыче уж'эс-сэ эскеремын ке но нокиче ужрад кутымтэ.

Колхозник.

16-ти октябре рабселькор'эслэн совещанизы

„Кировец“ газетлэн редакциез ивортэ, что 16 октябре 1938 арын 12 часэ нуназе районной клублэн помещенияз районной рабселькор'эслэн совещанизы люкаське. Совещание лыктыны кулэ вань стенгазет редактор'эслы колхоз'эсысь, бригадоосысь, сельсовет'эсысь, райорганизациосысь, рабселькор'эс но сельписьмоносец'эс.

Повестка дня:

1. Международной положени сырысь доклад.
2. Стенгазет поттылонэз умой организовать карон но „Кировец“ газетэз распространить карон сырысь ялэм конкурслэн итогез. Умой'эсыз стенгазет редактор'эс но „Кировец“ газетэз умой распространить карысьбсэ премировать каремын луозы. Клубын стенгазет'эслы выставка организовать карон понна стенгазет'эслэн редактор'эсы берло поттылэм газет'эссэс вайыны кулэ.

Редакция.

тибре пинал'эслы валэктон бз сеты шуыса вераське. Матерьялэз экерыса зэм бз луы, селькор пбьса гожтэм, „Кировец“ газ. редакциез гожтэм матерьялэз зэмен уг ляд'я но пбьса гожтэм понна гожтысез селькорен уг ляд'я нй.

„Кировец“ газетлэн 76 номераз „колхоз правле-

ГЕРМАНСКОЙ ВОЙСКАОС 5-ТЙ ЗОНАЕЗ ОККУПИРОВАТЬ КАРО

Прага, 8 октябре. Толон германской войскаос оккупировать карыны кутскизы 5-ти зонаез — северной, южной но западной Чехилэсь но Моравилэсь район'эссэ. Германской оккупацилэн та берпум этапез быдэсмем бере, Чехословакия в общем лишаться карыське 28.291 квадратной километр территориизлэсь (та территория кошке Германиялы гинэ), мукет сямен вераса, Германия киултэ жыныезлэсь унозэ Чехилэсь территориизэ, 2.811 сюрс немецкой но 725 сюрс чешской населениен. Республикалэн столицаез Прага граница дорысен 45 километр кемын гинэ луоз, промышленной центр Пильзень, кытын луо Шкодлэн военной завод'эсыз, почти самой граница дорын луоз, Брно город (Моравилэн главной городэз)—25 километр кемын, а бадзым индустриальной центр Моравска Острава Чехословакиен герзэмын луоз сюбег муз'ем полосаен.

Международной комиссиен Чехословакия вылэ лэсьгэм выль „операциослэсь“ (5-ти зонаез вис'ян) харак-

терзэс тае факт'эс вералос: 5-ти зонаез пыртэмын бадзым экономической но военностратегической значение басытысь пункт'эс. Кылсярысь, Германиялы 15 сюрс чешской но 8 сюрс немецкой населениен Шноймо район (Южной Моравия) сётиське только соин, что та районын бадзымесь каолиновой копиос вань. Поличка районын 90 процент чешской население ляд'яське, зато отын бадзымесь пороховой завод'эс. Германиялы отходить карем Ныржаны районын (Западной Чехия), преимущественно чешской населениен, угольной базаос трос. Забржег пунктэз (Моравия) передать карон, кытын население пблысь 24 сюрс чешской но 7 сюрс немецкой население ляд'яське, Прага — Оломоуц — Моравска Острава чугун сюрес магистралез вандон целен луэ. Тае целен ик оккупироваться карыське 5 сюрс чешской но только 720 мурт немецкой населениен Свинов район (Моравия), отчы кылэ угольной базатэк витковицкой тодмо луйсь завод'эс.

Фашистской „реконструкция“



—Кин вера, что ми Франкоез снабжать карыськом?! Ми асьмелэсь немецкой салдат'эсмес гинэ снабжать карыськомы. (рис. Груниналэн)

—Эшшо кбня ке бомба куштыса, соку реконструкциялэн планэз быдэстэмын луысал. (рис. Михайловских)

Испаниысь фронт'эсын

Восточной фронт

Испаниысь обороналэн министерствоезлэн официальной сводкаяз ивортиське, что мятежник'эслэн но интервент'эслэн войскаосы авиацилэн поддержкаез улсын 7 октябре Вента де Компосинослэн юг палаз республиканской позициос вылэ атакаос нуизы. Мятежник'эс кбня ке азыпала мыныны быгатизы. Соослы пумит республиканец'эс ожесточенной контратакаос нуизы. Бой уй вуытозь мынйз.

Воздушной бой мыныку 2 германской „Мессершмидт“ самолет'эс уськытэмын. Мукем фронт'эсын воштыськем'эсыз бвдл.

Отв. редактор
Н. П. КУКЛИН

КОЖЕВНИКОВ.